

հեթանոս, ջնուան երգմեսցի 'ի վերայ հին կտակարանի և մահմետականն 'ի վերայ զոռանի, և հեթանոսն 'ի վերայ կռքի իւրոյ:

### Գ Լ ՈՒ Ն ՇԹ.

Որպէս քրէական մեղաւորն դատելոյ իւրաքանչ 'ի մի տարւոյ չորս ժամանակաւ. այսպէս եթէ քրէական մեղաւորն ըմբռնեսցի յառաջ քան զ15 աւուր դատելոյ նմայ, պարտ է մնալ 'ի բանտի երիս ամիս մինչև միւս ժամանակն, զի գանգատօղն ունիցի ժամանակ յաւելի քանթէ հնգետասան աւուր պատրաստելոյ գանգատ և վկայքս իւր:

### Գ Լ ՈՒ Ն ՇԺ.

'ի պատճառն երկայն ժամանակաւ աշխարհն հայոց ամայի մնացեալ 'ի որ ոք ծայրագոյն իշխանացէ սեպհական, ազգէ և աւանդութենէ հայոց, և պաշտօն թէ նախարարութեան, թէ իշխանութեան, յատկապէս զօրապետութեան հարկաւոր է լինիլ այր ուշիմ և զիտուն 'ի արհեստ կառավարութեան, վասն որոյ եթէ գուցէ զի 'ի միջի աշխարհէն ընտրեցեալ փոխանորդաց մի գտցի բաւական արժանաւոր անձինք ազգէն հայոց և աւանդութեամբն հայաստանեաց Սուրբ Եկեղեցւոյ որ արժանաւորութիւն ունենան 'ի պաշտօնի զօրապետութեան, յայնժամ հարկիւ